

ԳՐԱԽՈՍՈՒԹՅՈՒՆ ԵՎ ՔՆՆԱԳՐԱԳՐՈՒԹՅՈՒՆ

ՈՒՍՈՒՄՆԱՍԻՐՈՒԹՅՈՒՆ ՀԱՅՍՏԱՆԻ ՍՊԱՌՈՂԱԿԱՆ ԿՈՈՊԵՐԱՑԻԱՅԻ ՎԵՐԱԲԵՐՅԱԼ

Սովետական իշխանության տարիներին մեր ռեսպուբլիկայում լույս են
առնում մեծ թվով տնտեսագիտական բնույթի աշխատություններ: Դրանցից
շատերը մեր ռեսպուբլիկայի էկոնոմիկայի պատմությանն ու առօրյային, նրա
առանձին բնագավառներին նվիրված արժեքավոր ուսումնասիրություններ են:
Սակայն, պետք է խոստովանել, որ մինչև օրս էլ կան ժողովրդական տնտե-
սության այնպիսի բնագավառներ, որոնք տնտեսագիտական լուրջ ուսումնա-
սիրության չեն ենթարկված:

Մինչև վերջերս այդպիսի մի բնագավառ էր նաև սպառողական կոոպե-
րացիան: Եվ իրոք, մինչև Գ. Կարազյանի աշխատության¹ լույս ընծայումը
մենք չենք ունեցել Հայաստանի սպառողական կոոպերացիայի պատմության
և զարգացման վերաբերյալ մի որևէ լուրջ փտական աշխատանք:

Ժողովրդական տնտեսության այդ կարևոր բնագավառներից մեկի երկա-
րամյա գործունեության արդյունքներն ու ձևեր բերած նվաճումները մնում էին
անհայտ ոչ միայն ընթերցողների լայն շրջանի, այլ նույնիսկ սպառողական
կոոպերացիայի մեծաթիվ աշխատողների համար:

Գ. Կարազյանի աշխատությունը, իրավամբ, լրացնում է ռեսպուբլիկայի
ժողովրդական տնտեսության պատմության բնագավառի բաց սեղերից մեկը
և ունի գործնական լուրջ նշանակություն. հատկապես սպառողական կոո-
պերացիայի աշխատողների համար:

Հեղինակը կատարել է երկարամյա և քրտնաջան աշխատանք: Բարձրաց-
րել է հսկայական արխիվային նյութեր, հանգամանորեն մշակել և սխտե-
մատիզացիայի է ենթարկել այդ նյութերը և գիտական բարեխղճությամբ
մեթոդոլոգիական ճիշտ գիրքերից շարադրել այն:

Գրախոսվող աշխատությունը բաղկացած է երկու մեծ բաժիններից:
Առաջին բաժնում հետազոտված է սպառողական կոոպերացիայի ծագումն ու
զարգացումը նախասովետական Հայաստանում, իսկ երկրորդ բաժնում՝ նրա
զարգացումն ու գործունեությունը Սովետական Հայաստանում:

Առաջին բաժնի առաջին գլուխը նվիրված է կոոպերացիայի մասին
տնտեսագիտական մտքի զարգացման պատմությանը, որտեղ համառոտ, բայց
բավականին հաջող շարադրված է կոոպերացիայի էությունը: Հեղինակն այս-
տեղ առանձնապես կանգ է առել կոոպերացիայի հարցերում մենշեիկների,
էսենների և անարխիստների սխալ տեսակետների վրա, որոնք փորձում էին

¹ Գ. Գ. Կարազյան, Սպառողական կոոպերացիայի ծագումը և զարգացումը Հայաս-
տանում, 1957 էջ, 413: Պետական համալսարանի հրատարակչություն:

կոոպերատիվ շարժումը հակադրել պրոլետարիատի ուղղություն պալքարին, վերջինիս անհրաժեշտությունը ժխտելու նպատակով:

Ճալով սպառողական կոոպերացիայի էության մարքս-լենինյան ընդհանրացումները, նշելով կոոպերացիայի օգտակարությունը, հեղինակը միաժամանակ ընդգծում է, որ «կապիտալիզմի պայմաններում չափից դուրս սահմանափակված է այդ օգտակարության աստիճանը, ... նրանք գործողության լայն ասպարեզ կստանան և լուրջ ու վճռական փոփոխություն առաջ կբերեն պրոլետարիատի կողմից իշխանությունը գրավելուց հետո միայն» (էջ 16):

Հեղինակն այստեղ մարտնչում է մինչև ուղղության եղած և ուղղության ճիշտ ծավալվող կոոպերացիայի մեջ տարբերազուրկ բովանդակություն դնելու փորձերի դեմ և ցույց է տալիս, որ մինչև ուղղություն շրջանի սպառողական կոոպերացիան զգալիորեն է ենթարկված լինի պրոլետարիատի դիկտատուրայի նվաճման հիմնական նպատակակետին, այլապես նա կարող է կտրվել իշխանության նվաճման համար մղվող քաղաքական պալքարից և կարող է շեղվել բանվորներին ուղղություն պալքարի ճանապարհից» (էջ 16):

Մարքս-լենինյան այս հանրահայտ ճշմարտության հաճախ կրկնումը նույնիսկ այժմ էլ անհրաժեշտ է, քանի որ դեռ գտնվում են ու կան մարդիկ, որոնք կարծում են, թե հնարավոր է կոոպերացիայի միջոցով կամ այլ ֆանտաստիկ ճանապարհներով կապիտալիզմի խաղաղ վերափոխումը սոցիալիզմի:

Առաջին բաժնի երկրորդ գլխում հետադուրում են կոոպերացիայի առաջացման սոցիալ-տնտեսական պայմանները հալ իրականության մեջ:

Հեղինակին հաջողվել է ընդհանուր տնտեսական զարգացման ֆոնի վրա ցույց տալ կոոպերացիայի ծագման նախադրյալները Հայաստանում XIX դարի վերջում և XX դարի սկզբներին՝ կապելով այն կապիտալիզմի զարգացման հետ Հայաստանում:

Այստեղ առաջին անգամ ուսումնասիրվում է Հայ սոցիալ-դեմոկրատների միության գերբորոշումը կոոպերատիվ շարժման հարցում, ցույց է տրվում հալ բոլշևիկյան մամուլի, Ս. Շահումյանի և Ս. Սպանդարյանի կողմից տրված գնահատականը սպառողական կոոպերացիայի էության մասին:

Առաջին բաժնի հետագա գլուխներում մանրամասնորեն շարադրված են Հայաստանում առաջին կոոպերատիվ ընկերությունների՝ Երևանի, Մեղրիի, Զարխնի, Էջմիածնի կազմակերպման պատմությունը և նրանց գործունեությունը: Երևանում են հետաքրքիր արխիվային փաստաթղթեր, որոնք վերաբերում են այդ կոոպերատիվ ընկերությունների կազմակերպչական և տնտեսական կապերին սպառողական ընկերությունների Մոսկովյան միության հետ:

Առաջին բաժնի երկրորդ գլուխը նվիրված է Հայաստանի սպառողական կոոպերացիայի գործունեությանը համաշխարհային պատերազմի և ապա դաշնակցության տիրահաղթի տիրապետության տարիներին: Փաստերի ու տվյալների հիման վրա ցույց է տրվում, թե ինչպես երկրի ամբողջ էկոնոմիկայի քաղաքական հետ միասին կազմալուծվում է նաև սպառողական կոոպերացիայի գործունեությունը, թե ինչպես այլասերվում է կոոպերացիան և ամբողջովին կորցնում իր դեմոկրատական սկզբունքները:

Սպառողական կոոպերացիայի Սովետական շրջանին վերաբերող երկրորդ բաժինը ևս շարադրված է փաստական հարուստ նյութերի և դրանք արդյունազարգիտական ճիշտ վերլուծության ենթարկելու հիման վրա:

Այստեղ Հայաստանի սպառողական կոոպերացիայի գործունեությունը քննված է ըստ սոցիալիստական շինարարության զարգացման էտապների, ներառյալ հինգերորդ հնգամյակը:

Աշխատության այս հատվածում անպայմանորեն արժեքավոր պետք է համարել այն, որ սպառողական կոոպերացիայի զարգացումը քննված է ռեսպուբլիկայի ամբողջ էկոնոմիկայի զարգացման հետ սերտորեն կապված: Նման մոտեցումն հնարավորություն է տալիս հետևելու սպառողական կոոպերացիայի աստիճանական զարգացմանը՝ երկրի էկոնոմիկայի բուռն վերելքին զուգընթաց և ճիշտ հասկանալու սպառողական կոոպերացիայի կարևոր դերը ռեսպուբլիկայի ժողովրդական տնտեսության ընդհանուր զարգացման մեջ:

Ինչպես առանձին գլուխներում, այնպես էլ աշխատանքի վերջում զետեղված մոտ հարյուր վերլուծական աղյուսակներում բերված են Հայկոոպի տնտեսական-ֆինանսական գործունեության հիմնական ցուցանիշները՝ սկսած 1921 մինչև 1935 թ. ներառյալ: Այդ տվյալներից որոշակիորեն երևում են Հայկոոպի սիստեմի ձևը բերած նվաճումները ապրանքաշրջանառության, գյուղատնտեսական մթերքների և հումքի մթերումների ու գնումների, ֆինանսական, տնտեսական և կազմակերպչական ամրապնդման բնագավառում:

Աշխատությունում վերլուծված են ոչ միայն սպառողական կոոպերացիայի նվաճումները, այլև նրա մի շարք խոշոր թերությունները ըստ առանձին էտապների:

Այս է գրախոսվող աշխատության հիմնական կոմպոզիցիան և նրա արժանիքները:

Աշխատությունը, մեր կարծիքով, զուրկ չէ նաև թերություններից:

Հեղինակը ուշադրություն չի դարձրել աշխատության երկու բաժինների միջև ճիշտ համամասնություն տեսողելու վրա: Աշխատության կեսից ավելի մասը նվիրված է նախառեռլուցիոն Հայաստանի սպառողական կոոպերացիայի ուսումնասիրությանը:

Անհրաժեշտ էր երկրորդ բաժինն ավելի մեծ տեղ հատկացնել և ավելի հանգամանորեն քննել սպառողական կոոպերացիայի գործունեությունը Սովետական Հայաստանում:

Առաջին բաժնի 3-6-րդ գլուխներում հեղինակը չափից ավելի է տարվել առանձին կոոպերատորների կենսագրական տվյալներով, որի պատճառով նյութի վերլուծական կողմը, երևութների բացահայտման ու մեկնաբանման կողմը մնացել է նրանց կենսագրական մանրամասնությունների ստվերում:

Նշված գլուխները ծանրաբեռնված են երկրորդական նշանակություն ունեցող հարցերի ուսումնասիրությամբ, դեպքերի նկարագրական ավելորդ մանրամասնություններով, ոչ տեղին բերված մի շարք փաստաթղթերի լուսանկարներով և երբեմն էլ նյութի հետ կապ չունեցող ավելորդություններով:

Աշխատության մեջ հեղինակը խոսում է կոոպերացիայի վերադարձյալ այս կամ այն տեղեկությունը հաղորդող մեծ թվով մարդկանց մասին, ցույց տալով նրանց անունը, հայրանունը, ազգանունը ծննդավայրը և նույնիսկ չի զրնում հայտնել, թե ինքը նրանցից ինչ տեղեկություն, կամ վկայություն, որտեղ և ինչ ձևով է ստացել ճամակագրություններ, թե զգույցի ժամանակ: Օրինակ՝ 210-րդ էջում կարդում ենք. Մկափանի քնակիչ, փականագործ, 1903 թվականից զործարանատեր Կոնդուրովի պղնձածուլարանի բանվոր Արսեն Առաքելի Մանգասարյանից նամակագրությամբ տեղեկացանք, որ XX դարի

առաջին տասնամյակում՝ նախանում կոոպերատիվ չի եղել և կամ 214-րդ էջում գրված է, որ այդ ժամանակաշրջանում կոոպերատիվ չի եղել նաև Ալավերդու պղնձահանքերում և ձուլարանում: «Այդ մասին մենք տեղեկություններ ստացանք Ալավերդում, հնագույն բանվոր Իսահակ Ալեքսանի Պապոյանի հետ 1957 թվականի մայիսին ունեցած զրույցի ժամանակ»:

Ակնհայտ է, որ այս երկար մտքերից կոոպերացիայի պատմության մեջ պետք է արտացոլվի միայն մի քանի բառեր, որ կոոպերացիայի պատմության մեջ չի կարելի արձանագրել այդպիսի տեղեկություններ հաղորդողների կենսագրությունները:

Հավասարապես կոոպերացիայի պատմությանը չի վերաբերում նաև այն, թե աշխատության հեղինակ ընկեր Կարազյանը տեղեկությունները ի՞նչ ձևով, ի՞նչ պարագաներում է ստացել: Հասկանալի է, որ այս ավելորդությունները ձգձգում են շարադրանքը և իջեցնում նրա արժանիքները:

Աշխատությունը, անկասկած, կշահեր, եթե հեղինակը ավելի մանրամասն վերլուծեր Հայկոոպի սիստեմի գործունեության մի քանի կարևոր ցուցանիշները, հատկապես ապրանքային ֆոնդերի վերլուծման հարցերը՝ կապված ապրանքաշրջանառության աճի հետ:

Պետք էր հանգամանորեն ցույց տալ ապրանքային ֆոնդերի աճը և ուղղում՝ կապված կոլտնտեսականների կենսապայմանների բարելավման հետ: Վեր հանել ապրանքաշրջանառության վերելքը՝ կապված բնակչության գնողունակության բարձրացման հետ:

Երկար տարիներ Հայկոոպի սիստեմում աշխատելու հանգամանքը հեղինակին լիովին հնարավորություն էր ընձեռում ավելի խոր կերպով վերլուծելու Հայկոոպի աշխատանքներում եղած թերությունները՝ հասարակական սննդի դժուր, գյուղատնտեսական մթերքների մշակման և ընդհանրապես արտադրական գործունեության դժուր, ցույց տալ այդ թերությունները վերացնելու կոնկրետ ուղիներն ու հնարավորությունները:

Վերջերս, Երևանի պետական համալսարանի տնտեսագիտական ֆակուլտետի գիտական խորհուրդը իր ընդլայնված նիստում լայն քննարկման դրեց գրախոսվող աշխատությունը:

Գիտական խորհրդի անդամներից և ֆակուլտետի պրոֆեսոր-դասախոսական կազմից բացի, գրքի երկու օր անոդ քննարկմանը մասնակցեցին նաև հին կոոպերատորներ և Հայկոոպի բազմաթիվ աշխատողներ:

Բոլոր ելույթ ունեցողները, նշելով քննարկվող գրքի առանձին թերությունները, ընդգծեցին, որ այն հանդիսանում է Հայաստանի սպառողական կոոպերացիայի ծագմանն ու զարգացմանը նվիրված առաջին մեծածավալ մենագրական ուսումնասիրությունը, որի հեղինակը կատարել է անհրաժեշտ և օգտակար աշխատանք:

Մեր կարծիքն այն է, որ գրքում եղած թերությունները հեշտությամբ ուղղելի թերություններ են, որոնց վրա հեղինակը պետք է հետագայում ուշադրություն դարձնի:

Գիրքը պրկած է սահուն և գեղեցիկ լեզվով և ընթերցվում է շթուլացող հետաքրքրությամբ:

Ղ. ՇԱՔԱՐՅԱՆ
Ա. ԿԻՐԱԿՈՍՅԱՆ